

## ¡BOMBA!

Ni es cuento de tierra adentro,  
ni están cargados los dados;  
tiene que dar resultados  
quien quiera lana del Centro



# K'uintsil

Edición de fin de semana, del viernes 3 al domingo 5 de mayo de 2024  
CAMPECHE · YUCATÁN · QUINTANA ROO · AÑO 9 · NÚMERO 2225 · [www.lajornadamaya.mx](http://www.lajornadamaya.mx)

## YA'AX K'AAN,

### JUNTÚUL BA'ALCHE' KAJA'AN TU K'AB CHE'OB

Ya'ax kaane' (*Oxybelis fulgidus*)  
juntúul kaan ku máan tu k'ab  
che' ts'ooke' chowak. Yaan ku  
yila'al México yéetel América  
Central tak Argentina; suuk u  
yantalo'ob tu'ux chokoj u yooxol,  
je'el bix u Petenil Yucatán,  
beyxan tikin k'áax.

Talam u yila'al wa leti' tumen  
jach ya'ax, óoli' je'ex u wíixilo'ob  
che', ts'ooke' u poole' óoli' beey  
jump'éeel fleecháa. Ts'oya'an, kex  
ka'ap'éeel sentimeetróos u piimil,  
yéetel je'el u p'isik ichil 1.5 tak 2  
metrós y medio u chowakil.

Kaan yaan u ts'aak, ba'ale'  
ma' tu kínsik wíinik. Tu

wíinkilale' yaan jump'éeel u  
toxinaal ku beetik u siip'tal u  
yoot'el máak ba'ale' ma' jach  
taami', mix xan tu kínsik.

Suuka'an u jaantik ch'íich'o'ob,  
je'el bix úukumo'ob, k'a'awo'ob  
yéetel sak pakalo'ob, ts'ooke'  
lelo' ku kaxtiko'ob ti' mejen wa  
ti' noj kaaj.

Ku kíimil tumen ku  
k'askúunta'al tu'ux kaja'an,  
beyxan tumen ku kíinsa'al  
ikil u sajktal máak ti', ba'ale'  
k'a'anantako'ob ti' kuxtal tumen  
ku ts'áako'ob u p'iis u yantal  
u iik'elo'ob, beyxan ch'íich'o'ob  
yéetel tak ch'o'ob.



ANA RAMÍREZ

OOHEL GUILLERMO SG

ESPECIAL: FAUNA NUESTRA | P. 42 YÉETEL 43